



საქართველოს იუსტიციის უმაღლესი საბჭო

ქ. თბილისი № 1/150

“ 18 ” ნოემბერი 2020 წ.

ბ ე ნ კ ა რ ბ უ ლ ე ბ ა

თ. ეპიტაშვილის თბილისის საქალაქო სასამართლოს სამოქალაქო საქმეთა კოლეგიის მოსამართლის თანამდებობაზე გამწესების შესახებ

„საერთო სასამართლოების შესახებ“ საქართველოს ორგანული კანონის 36-ე მუხლის მე-4 და 4¹ პუნქტების საფუძველზე და საქართველოს იუსტიციის უმაღლესი საბჭოს მდივნის თანდართული დასაბუთების შესაბამისად, თეონა ეპიტაშვილი 2020 წლის 1 დეკემბრიდან გამწესდეს თბილისის საქალაქო სასამართლოს სამოქალაქო საქმეთა კოლეგიის მოსამართლის თანამდებობაზე 3 წლის ვადით.

ნინო ქადაგიძე

საქართველოს უზენაესი სასამართლოს თავმჯდომარე
საქართველოს იუსტიციის უმაღლესი საბჭოს თავმჯდომარე

დასაბუთება

თეონა ეპიტაშვილი თბილისის საქალაქო სასამართლოს მოსამართლის თანამდებობაზე დანიშვნის თაობაზე

„საერთო სასამართლოების შესახებ“ საქართველოს ორგანული კანონის 35-ე მუხლის საფუძველზე საქართველოს იუსტიციის უმაღლესი საბჭოს მიერ 2020 წლის 26 ივნისის №1/89 გადაწყვეტილებით გამოცხადდა მოსამართლეობის კანდიდატთა შესარჩევი კონკურსი საერთო სასამართლოების სისტემაში არსებულ ვაკანსიებზე. მათ შორის თბილისის საქალაქო სასამართლოს სამოქალაქო საქმეთა კოლეგიის მოსამართლის 8 ვაკანტურ თანამდებობაზე.

კანდიდატთა რეგისტრაცია მიმდინარეობდა 2020 წლის 29 ივნისიდან 19 ივლისის ჩათვლით. მითითებულ ვაკანსიაზე დარეგისტრირდა 35 კანდიდატი.

2020 წლის 24 ივლისიდან 21 აგვისტომდე მოსამართლის საქმიანობის შეფასების მართვის დეპარტამენტის მიერ კონკურსში მონაწილე კანდიდატებზე, მათ შორის თეონა ეპიტაშვილზე მოძიებულ იქნა „საერთო სასამართლოების შესახებ“ საქართველოს ორგანული კანონის 35² მუხლით გათვალისწინებული ინფორმაცია, რომელიც იუსტიციის უმაღლესი საბჭოს წევრებს წარედგინათ 24 აგვისტოს.

კანდიდატის შესახებ მოძიებული ინფორმაცია:

თეონა ეპიტაშვილს აქვს სპეციალობით მუშაობის 12-წლიანი გამოცდილება. 2011-2019 წლებში მუშაობდა თბილისის საქალაქო სასამართლოში სხვადასხვა თანამდებობებზე.

თეონა ეპიტაშვილი იუსტიციის უმაღლესი სკოლის მე-14 ჯგუფის კურსდამთავრებულია.

იუსტიციის უმაღლესი სკოლის დამოუკიდებელი საბჭოს შეფასებით კანდიდატმა წარმატებით გაიარა თეორიული სწავლების, სტაჟირებისა და სემინარული მუშაობის ეტაპები, ასევე წარმატებით ჩააბარა სკოლის დამამთავრებელი გამოცდა. კანდიდატი იყო დისციპლინირებული მსმენელი.

სკოლაში სწავლის პერიოდში მის არ დაკისრებია დისციპლინური პასუხისმგებლობა.

კანდიდატთან გასაუბრება:

საბჭოს წევრების მიერ კანდიდატების შესახებ მოძიებული ინფორმაციის გაცნობის შემდეგ დაინიშნა კანდიდატებთან გასაუბრება. საბჭოს წევრები კანდიდატ თეონა ეპიტაშვილს გაესაუბრნენ 9 ოქტომბერს. გასაუბრება წარიმართა ღია სხდომაზე და მას ესწრებოდნენ არასამთავრობო ორგანიზაციების წარმომადგენლები.

კანდიდატის შეფასება:

2020 წლის 5 ნოემბრიდან 12 ნოემბრამდე პერიოდში იუსტიციის უმაღლესი საბჭოს 15-მა წევრმა კანდიდატი თეონა ეპიტაშვილი შეაფასა კომპეტენტურობისა და კეთილსინდისიერების კრიტერიუმების მიხედვით.

თეონა ეპიტაშვილის კეთილსინდისიერების კრიტერიუმით შეფასებისას, საბჭოს შემფასებელმა 14-მა წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს, ხოლო ერთმა მიიჩნია რომ კანდიდატი აკმაყოფილებს კეთილსინდისიერების კრიტერიუმს.

საბჭოს წევრთა მიერ თეონა ეპიტაშვილის კომპეტენტურობის კრიტერიუმით შეფასებისას ამ კრიტერიუმების მახასიათებლების მიხედვით კანდიდატის მიერ მოპოვებულმა ქულათა ჯამმა შეადგინა 1288 ქულა, რაც ქულების მაქსიმალური რაოდენობის 85.87%-ია.

კენჭისყრის შედეგები:

2020 წლის 18 ნოემბერს თბილისის საქალაქო სასამართლოს სამოქალაქო საქმეთა კოლეგიის მოსამართლის მე-2 ვაკანსიაზე ჩატარებული კენჭისყრის შედეგად, რომელშიც მონაწილეობა საბჭოს 14-მა წევრმა მიიღო, თეონა ეპიტაშვილმა მოიპოვა 13 ხმა.

აღნიშნულ ვაკანსიაზე ბიულეტენში შეყვანილ იქნა 29 კანდიდატი, მათგან 5 მოქმედი მოსამართლე, 9 ყოფილი მოსამართლე და 15 იუსტიციის უმაღლესი სკოლის ყოფილი მსმენელი, კერძოდ:

- | | |
|----------------------------------|----------------------------------|
| 1. ბებიაშვილი მიხეილ - 0 ხმა | 16. მამაცაშვილი ქეთევანი - 0 ხმა |
| 2. ბერეკაშვილი ქეთევან - 1 ხმა | 17. მარშანია ნათია - 0 ხმა |
| 3. ბიწაძე ეკატერინე - 0 ხმა | 18. მერაბიშვილი ნათია - 0 ხმა |
| 4. გიორგაძე ნინო - 0 ხმა | 19. ნადოი რეზო - 0 ხმა |
| 5. გოგატიშვილი დიანა - 0 ხმა | 20. სირბილაძე ცისანა - 0 ხმა |
| 6. გოგატიშვილი ნინო - 0 ხმა | 21. უბილავა გიზო - 0 ხმა |
| 7. დუგლაძე ქეთევან - 0 ხმა | 22. ურთმელიძე თამაზ - 0 ხმა |
| 8. ეპიტაშვილი თეონა - 13 ხმა | 23. ფუხაშვილი მორის - 0 ხმა |
| 9. ესებუა ზვიად - 0 ხმა | 24. შოშიაშვილი მაია - 0 ხმა |
| 10. ვატიტაძე გრიგოლ - 0 ხმა | 25. ხაბალაშვილი ნინო - 0 ხმა |
| 11. ზათიაშვილი ვერიკო - 0 ხმა | 26. ხუსკივაძე ირაკლი - 0 ხმა |
| 12. თაყაძე თეა - 0 ხმა | 27. ხუჭუა ვლადიმერ - 0 ხმა |
| 13. კლდიაშვილი ლაშა - 0 ხმა | 28. ჯავახიშვილი მაია - 0 ხმა |
| 14. კოჭლამაზაშვილი არჩილ - 0 ხმა | 29. ჯინჯოლია მიხეილ - 0 ხმა. |
| 15. კოხრეიძე ლეილა - 0 ხმა | |

დასკვნა:

კანდიდატის - თეონა ეპიტაშვილის კეთილსინდისიერების (საბჭოს 13-მა წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს) და კომპეტენტურობის (წერისა და ზეპირი კომუნიკაციის უნარის, სამართლის ნორმების ცოდნის, სამართლებრივი დასაბუთების უნარისა და კომპეტენციის) კრიტერიუმების გათვალისწინებით, კენჭისყრის შედეგების საფუძველზე, სხვა 28 კანდიდატთან შედარებით უპირატესობა მიენიჭა და შესაბამისად, თბილისის საქალაქო სასამართლოს სამოქალაქო საქმეთა კოლეგიის მოსამართლის თანამდებობაზე 3 წლის ვადით განწესდა თეონა ეპიტაშვილი.

ნიკოლოზ მარსაგიშვილი
საქართველოს იუსტიციის
უმაღლესი საბჭოს მდივანი

